



- **EDITORIAL • RÂL VÊNGTU • CHHÛNGKAW CHANCHIN**
- » Ruihhlo zuarte puala beihpui thlâk chungchângah
Chief Minister kawm a ni
- » Synod Revival Committee leh Central YMA hruaitute an inkâwm

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXIV

No. 9

E-mail: synodnews@gmail.com

SEPTEMBER, 2019

LÂWRKHAWM

RAM LEH HNAM HUMHALH & NEP 2019 SAWI HO

• Mizoram Kohhran Hruaitute Committee (MKHC) leh Central YMA hruaitute chuan August 6, 2019 khân Synod Office-a Committee Room-ah 'ram leh hnam humhalh chungchâng' sawiin inkawm hona hun an hmang a, MKHC Chairman Rev. R. Lalhmingthangan a kaihrui. August 9, 2019 khân Synod Conference Centre, Aizâwlah National Education Policy (NEP) 2019 chungchâng sawi ho a ni leh bawk.

NURSING COLLEGE CLASS TAN

• Synod Hospital-a GNM zirna ni thîn, college-a hlân kai thar Mizoram Presbyterian Kohhran Synod Nursing College-a B.Sc. Nursing zir tûra tling mi 30 chuan July 30, 2019 khân a tak taka zirna (class) an tan a, GNM-a an hming thatna ang an neih leh theih nân College-a thawkte hi a bul aţangin an tang hle.

INTERSERVE BOARD MEMBER THAR

• Interserve hruaitu ni laite tan hun chhûng (term) a tâwp hnaih avângin a thara ruat an ni a, 2019-2022 chhûnga Governing Board member atân Rev. K. Lalrinmawia, Executive Secretary, i/c Mission, etc., Mizoram Synod chu ruat a ni. He mawhphurhna luah tûr hian OM chuan Executive Secretary i/c Mission apiang awm se, tiin a lo rêl tawh a ni.

FALKÂWNAH KHUALBÛK SAK TUM A NI

• Zoram Medical College (ZMC), Falkawn pantu thahnem tak an awm reng avângin Synod OM chuan Falkâwna Synod ramah Hospital Chaplain quarters leh khualbûk sak bul tan thain a hria a, Synod Trust Committee-ah a thlen.

LUTHERAN THEOLOGICAL COLLEGE TANPUINA

• Gurukul Lutheran Theological College & Research Institute, Chennai-in Mizoram Synod hnêna tanpui a dîl angin OM chuan chêng nuai hniha tanpui a rêl. He college hi kan Pastor eng emaw zât zir chhuahna college a ni.

SYNOD PUIPATE LEH MSACS HOTUTEN HIV/AIDS CHUNGCHÂNG AN SAWI HO

Natna tihdam hleih theih loh, a tihdam theihna tûr damdawi la hmuh chhuah loh *human immuno-deficiency virus* (HIV)/AIDS darh zêl tûr laka invênna chungchâng sawi ho tûrin Mizorama he hna thawktu ber Mizoram State AIDS Control Society (MSACS) hotute chuan Mizoram Synod Puipate an sâwm a. Synod Puipate pawhin an sâwmna chu ngai pawimawhin September ni 5, 2019 khân Health Minister pisaah sawi hona hun tha tak hman a ni. Health Minister Dr. R. Lalthangliana chuan Mizote hi hnam dangin kawng tam takah entawn tlâka min hmuh laiin HIV/AIDS lama kan chanchin erawh chu sawi zahthlâk a tih thu a sawi a. Hetiang a nih chuan hnam tlêm tak hi kan tlêm lehzuat ang a, thil pawl tak a thlen hlauhawm a ni, tiin Kohhran chu inzirtirna hun leh hmun nei tha ber a nih avângin inzirtir tûl a tih thu a sawi.

State khata mihring chêng zât aţanga teha HIV/AIDS vei, za zêla chhûta a sâng ber dinhmunah Mizoram hi kum hnih chhûng vêl a awm tâk avângin state sawrkâr leh kohhran pawhin a vei thar an pun zêl loh nân theih ang angin an bei a. Sawrkâr lamah chuan Mizoram State AIDS Control Society (MSACS)-in nasa takin a thawk a, mipat hmeichhiatna (sex) hman kawnga fîmkhur lo, mi hran hran kawp lâwr chîngte chu an kawp lo thei lo an nih chuan HIV/AIDS laka an him theih nân hmanrua (condom) hmang tûrin zirtirna an kalpui a, chutiang mite hnênah chuan a semin an sem thîn.

HIV/AIDS kaina tam ber dawttu 'ruihhlova inchiu' aţanga kai darh a nih loh nân MSACS chuan inchiuna hriau inhman tawm lo tûrin zirtirna an kalpui baw a, inchiuna hriau leh a hmanrua (syringe) hman hnu a thara thleng theihna a siam baw. Hêng hna thawh nân hian mi thahnemngaite (non-governmental organisation) thawhpuiin office/drop in centre (DIC) hawnna tûr leh thawktu hlauh te, hna thawhna tûr sum te a ngaihtuhsak thîn a ni. Synod lam pawhin Social Front Committee hmangin inzirtirna a kalpui reng a, seminar leh campaign te a buatsaih thîn a ni.

MSACS hotute leh Synod Puipate inkawm honaah hian MSACS lama hotute chuan Mizorama HIV/AIDS kai mekte dinhmun, a lem nân an sawi fiah a, Project Director Dr. Lalthlengliani chuan Mizoramah HIV hrik pai 19,631 hmuh chhuah an ni tawh a, chûng zînga 11,827 (66.08%) chu sex aţanga kai an ni a; a dang 5,040 (28.16%) chu drug-a inchiu aţanga kai an ni thung a, a bâk zawng chu kai theihna chi danga kai an ni. Kum 2018-2019 chhûng khân chawh rualin Mizoramah hian ni tin HIV hrik kai pakua hmuh chhuah thar awm

zêl ang a ni a, a kai thar hmuh chhuah zîngah hian nawhchizuar leh drug ti aiin mipui mimir pangngaia ngaih an tam zâwk nghe nghe niin a sawi. Tûnah hian Mizoram mihring zînga kum 15-49 inkârah mi 100 zêla pahnihin HIV hrik pai ang kan ni tih a sawi baw.

Kohhran aţanga inzirtir a pawimawhzia hriain MSACS hotute hian Synod Puipate hi kum 2016 August ni 12 pawh khân Health Minister hovin an lo sawipui tawh a. Kum 2017 Synod Inkhâwmpuia Presbyteri pathum aţanga HIV/AIDS do rawtna lam thu lût chu pass niin SEC bawh zui tûra dah a ni a (Synod 2017 Gen.3). SEC chuan hma lâk dân tûr chipchiar, point riat zet duangin a pawm a (SEC 275:17 App.2). A tlângpuiin hetiang hi a ni:

1. HIV/AIDS do hna hi kum nga chhûng kalpui phawt a ni ang a, a tûl anga chhunzawm ni se.
2. HIV/AIDS leh drugs do kawnga hma latute inhre tawn leh lunguala thawh ho theih nân he lam buaipuitu pâwl hrang hrangte nê Seminar/Workshop buatsaih ni se.
3. Kohhran Hmeichhia, KTP, Kohhran Pavalai Pâwl leh Sunday School te hman tangkai ni se.
4. Social Front-in tûn aia uar zawkin *awareness campaign* kalpui se. Trainer/Resource Person nei se.
5. Zû leh drugs khuahkhirhna dân tha zâwk/khauh zâwk nei tûrin sawrkârah thlen ni se.
6. Synod hnuaia institution leh training programme-ah HIV/AIDS subject a remchân dân angin telh ni se.
7. HIV/AIDS kai leh kai loh hriat nân thisen test tûra infuih ni se.
8. Kohhran/Bialin Counsellor/Social Worker neih tum ni se.

SYNOD Newsletter

EDITORIAL STAFF

Rev. Dr. C. Chawngmingliana
Rev. B. Sângthanga
Upa H. Ronghâka
Upa C. Thanga

Editorial

HNAM HMAKHUA NGAIHTUAH ANG U

Chia sawi tham loh, hnam tlêm tê, tlâng leh khâm kêra khawsa tawk tawk chu Pathianin a mite hmangin chhandamna chang tûrin minrawn zawng a, sual leh a hnathawh, hlauhna bâwih ata min hruai chhuak a, chi leh hnama sawi tham ni satliah mai lovin hnam dangte thik thamin min siam a. Lâwm taka Pathian rawngbâwl mai tûr kan nih laiin sual bumnaah he hnam hi a tlu lût a. Sum leh nawmsip bâwl ngainatna chuan dinhmun t̃ha lo takah min dah ta mêk a ni.

Tûn ang zêla HIV+ vei kan pun chak chuan kan hnam hi ram/hnam dang nuiz̃at leh endawng kan ni thuai dâwn a. Tûn anga cancer natna vei hmuh chhuah an tam zêl chuan ring lo mite t̃an Pathian sawi chhiatna remchâng kan ni ve mai ang tih a hlauhawm hlel lo ve. Kan nihna dik tak hi pawma insiam t̃hatna awmze nei tham kan kalpui a hun ta tak zet a ni.

MASIHI SANGATI CONVENTION VAWI 31-NA

Hnam dang Kristiante Inkhâwmpui, Masihi Sangati Convention vawi 31-na chu ni 18-20 October, 2019 chhûng khian Kolasib Diakkâwn Kohhranah hman a ni dâwn. Convention thupui thlan 'Chanchin T̃ha hi hril rawh u' (Mk 16:15) chu Pastor Lal̃thatluanga, Aizâwl Hmâr Bialtu Pastor-in a sawi ang. Rev. K. Lalrinmawia, Executive Secretary i/c Mission, etc chuan Convention hlawhtling tak hman a nih theih nân kohhrante t̃hahnemngai taka t̃awngt̃ai tûrin a sâwm. Bible Study kaihrui tûrin Pastor James C. Lalremruata i/c Hmârthlang Bial ruat a ni a, Thupui 'Kristian nun rinawmna' tih a ni.

SYNOD CHOIR MUSIC VIDEO

Mizoram Synod Choir 2018-2020 music video palina 'Minrawn chhar ta' tih chu Choir Cabin, Synod Conference Centre-ah August 27, 2019 khân Synod Choir Director Dr. David C. Vânlalfakawma'n Pathian hnenah a hlan a, music video hi Central K̃TP YouTube channel-ah dah chhuah nghâl a ni.

RUIHHLO ZUARTE PUALA BEIHPUI THLÂK CHUNGCHÂNGAH CHIEF MINISTER KAWM A NI

Kum 2018 Synod Inkhâwmpui Electric Vênga neih chuan Hunthar Pastor Bial chhûng leh a chheh vêla ruihhlo zuarte puala beihpui thlâk zai a rêl a, Synod Executive Committee (SEC) bawh zui tûrin a dah a. SEC chuan ruahmanna siam tûr leh an ruahmanna chu Committee-a rawn thlen leh tûrin Synod Revival Committee chu mawhpurhna a pe a. Synod Revival Committee ruahmanna chu SEC chuan pawmin a t̃ul apiang bawh zui tûrin Synod Revival Committee kutah a hlân leh a. Hunthar Pastor Bial chhûng leh a chheh vêla ruihhlo zuarte puala beihpui thlâk tak tak dâwn chuan sawrkâr lam nêna t̃an hona tûr tam tak awma hriat a ni a. He mi chungchâng hi Pu Zoramthanga, Mizoram Chief Minister hnênah thlena thil t̃ul awm apiangte sawipui tûrin Synod Revival Committee aiawhin Rev. K. Rolungmuana Revival Director, Rev. Dr. C. Chawngmingliana leh Upa C. Lalluia te chu September ni 5, 2019 khân Chief Minister Office-ah an lêng a. Inkawm hona hun t̃ha tak an hmang.

He inkawm honaa an thil thlen leh sawi ho zîngah chuan Hunthar Bial chhûng - Phunchawng leh Rângvamual-ah Excise Department-in Check Gate t̃ha tak siam se tih te, Zû leh ruihhlo zuarten an bânsan theih nân sawrkâr in chak taka hma la tûr te, hemi huam chhûnga hmasâwnna (development) a awm theih nâna sawrkâr in chak zâwka hma la tûra ngenna te a tel. Chief Minister chuan hêng thil hi sawrkâr in a ngaih pawimawh thu leh theih t̃awp chhuah a tum thu a lo hrilh a ni.



PRESBYTERY INKHÂWMPUI

Mizoram Presbyterian Kohhran Synod hnuaia Presbytery hrang hrangte chuan October ni 10-13, 2019 chhûng khian inkhâwmpui an hmang dâwn. Mizoram Synod hnuaiah hian tûnah Presbytery 51 a awm mêk a, chûng zînga 40 chu Mizoram chhûnga mi niin 11 chu Mizoram pâwna awm an ni. Mizoram pâwna Presbytery pakhat, Zoram Pâwn Presbytery (ZPP) chu India Hmarchhak (Shillong, Guwahati, etc.)-a Mizo t̃awng hmang kohhran/Bialte awmna a ni a, anni bâkah Mizoram pâwnah hian Pastoral hnuaiah Presbytery panga an awm a, chûng zînga Barak Presbytery tih loh chu Manipur Area chhûnga mi - Lamka North, Lamka South, Tanggam leh Phaipi Presbytery te an ni. Mission hnuaiah Presbytery panga - Cachar Tlangram, Barak Mission, Nepal East, Nepal West leh Patkai (Arunachal) an awm.

Presbytery Inkhâwmpui chibai bûkna hi Synod Moderator-in Presbytery tin thawnin a thu leh hla chu an ngai pawimawh a ni t̃hîn a, kuminah hian 'Thu-a Inpawl hona' huna thupui atâna Synod Moderator-in rawt chu 'HIV/AIDS Chungchâng' tih a ni.

LEHKHABU LAM THEIH

Synod Social Front lehkhabu/booklet buatsaih, hêng a hnuaia târ lante hi a mamawh Kohhran chuan Synod Social Front Office-ah lam theih a ni e.

1. Drama leh Film t̃ha siam kawnga kaihhruaina
2. Environment humhim
3. Hnathawhna hmuna mipa leh hmeichhia
4. Khawtlâng nun hruaina
5. Kristiante leh ram rorêlna
6. Mahatma Gandhi National Rural Employment Act zir chianna
7. Media-in a t̃ha lo zâwnga nun a kaihhruai dân zir chianna
8. Mizorama Methamphetamine (ATS) chungchâng zir zâuna
9. NLUP Zir chianna
10. Rinawmna (Booklet)
11. Survey Report on Rângvamual & Phunchawng
12. Synod Social Front Handbook

ZAWHNA INCHHÂN DIK SIAK

Central Kristian T̃halai Pâwlin Kristian T̃halai chanchinbu kum 50 tlin lawmna puala zawhna inchnân dik siak, 'Inter Branch K̃TP Quiz' a buatsaih chu August 23, 2019 zânah khân a hmâwr bâwk a ni a, a pumpuiah Mêlthum Branch chu pakhatna an ni. Final intihsiaakah Mêlthum Branch chuan point hmu sâng berin pakhatna an ni a, ₹1,00,000/- bâkah thu chei leh trophy an dawng. Pahnihna chu Chawlhmun Branch niin, ₹40,000/-, thu chei leh trophy an dawng a, pathumna chu Ramhlun Vêngchung Branch niin, ₹20,000 leh thu chei leh trophy an dawng. Palina Zêmbâwk Branch niin, pangana Keitumkâwn Branch an ni. He intihsiaakah hian Branch 133 telin, Branch 20-in semi-final an lût a, an zînga point hmu sâng Branch pangaten final an thleng a ni.

Râl Vêngtu

Râl Vêngtu vên bûk pan chuan mi eng emaw zât hi an kal leh dam dam a, a bul an va thlen chuan mite chuan, "Râl Vêngtu, kan lo kal khât ta deuh va, min hrilh tûr t̃ha t̃e i neih kan ring ngawt mai asin," an ti a. Râl Vêngtu chuan, "In lo kal fuh hle mai," a ti a, a aw a han thian kâk kâk a. Mite chuan Râl Vêngtu thu sawi tûr chu pawimawh dawn hlein an ring a, an beng an dawh uluk hle a.

Râl Vêngtu chuan, "Thla hmasa t̃ir lamah khân khawpui vêng lian vak lovah mitthi vuin ka kal a, vuitu Pastor lo ding chuan, 'Kumin kum t̃ir aṭanga chhiarin t̃un hi mitthi 22 ka vuina a ni ta a, ka vui z̃ingah 20 chu mipa an ni a, pa valai an tam ber nghe nghe a, t̃unah pawh pa valai kan vui liam leh dawn a ni a, rilru a kal thui khawp mai," tiin bul a ṭan a.

"Chu thu chuan ka thil vei mêk chu a rawn chhêm alh lehzuai a, mutmu pawh ka tuah hlei thei lo a ni ber mai. T̃un kum hnih kum thum kal ta aṭang khân he hnam hi mipa kan thi zawih zawih mai a, hmeichhia, kum la naupang ve t̃e t̃ein ding leh vei pawh la thliar thiam lo an fate an han enkawl a, ei zawn ngai nê, a thim a ṽar pawh thlu lova thawh t̃ur hmuh ang ang thawka an fate an han chhuahsan lâwp lâwp mai han hmuh hian rilru a na lo thei lo.

"Nu leh pa k̃ara uluk leh f̃imkhur taka enkawl seilen pawh nun kawng zawh fuh lo an tam teh lul nê, nuin amaha ei zawng chung a enkawlte hi chhuan lo awm t̃ura kan khawtlâng mi ṭahnem tak an ni dawn ta a, he hnam hian thim thuah hnih chu kan hmabâk a ni ber lo'm ni? In chhûngkhura fate enkawl t̃ur nute hi a chhuak bera an ṭ an z̃el chuan kan hnam hian ropui lam aiin zuh lam kan pan tih sawi t̃ur hian z̃awlnei nih kher a ngai dawn em ni? Eng tin nge pa dam rei, chhûngkua leh khawtlâng min hruai ng̃il z̃el t̃ur kan neih theih ang, tih hi he hnam hian agenda pui berah neih mawlh teh se," tiin hnuk ulh ṭeuhvin a sawi a.

A thu leh hla dawngsawngtute pawh hlim hm̃el pu thei an awm lo, rilrua vei nei tih hriat takin an in lamah an haw ta hlawm a.

SYNOD BU 2018 (FINANCE REPORT) LAM THEIH

Synod Bu 2018 (Finance Report) kohhran tin copy Synod Office Mamawh Lamnaah a lam theih e. Kohhran copy bâkah hian Pastor, Pro Pastor, Minister Pension leh Bial Treasurer copy a tel a ni.

SYNOD HOSPITAL, DURLÂNG THILPÊK DAWNTE (JULY, 2019)

I. CHARITY FUND:			
1.	Synod Higher Secondary School Boys Hostel (Pearl Jubilee pual)	₹ 10,000/-	
2.	Lungdai Kohhran	₹ 4,000/-	
3.	KTP, Suarhliap Bial	₹ 2,000/-	
4.	KTP, Keitum Bial	₹ 5,000/-	
5.	KTP, Kâwnpui Chhim Vêng Branch,	₹ 5,000/-	
6.	Roṭhuama, Hlimen, Aizâwl	₹ 1,000/-	
7.	Keitum Bial	₹ 20,000/-	
8.	KTP, Sialhawk Bial	₹ 5,000/-	
9.	Sialhawk Bial Kohhran Hmeichhia	₹ 5,000/-	
10.	Upa Lalrinliana Sailo, Lêngpui	₹ 2,000/-	
11.	Helen Lalitluangi, Guwahati	₹ 10,000/-	
12.	Manikbond Kohhran Hmeichhia	₹ 1,000/-	
13.	Lalhrualitluangi, New Champai	₹ 1,000/-	
14.	Zoramdina, Zârkawt	₹ 3,500/-	
15.	Lêngpui Bial Kohhran Hmeichhia	₹ 10,000/-	
16.	Zodinliana, Mission Vêng	₹ 2,000/-	
17.	Tuipuibari Bial Kohhran Hmeichhia	₹ 4,000/-	
18.	Kâwnpui Hmâr Vêng Kohhran	₹ 1,000/-	
19.	Pi Brenda Zodinliani, Hospital Campus	₹ 5,000/-	
20.	Upa Rokûnga, Hmunṭha Sâwleng	₹ 2,000/-	
21.	KTP, Bûngtlâng Bial	₹ 3,000/-	
22.	Maubâwk West Kohhran Hmeichhia	₹ 10,000/-	
23.	Pi. C. Lalrinmawii, O/A Synod Hospital	₹ 5,000/-	
24.	Miss L.Zotâwni, Sister (Rtd), Durtlâng Leitan	₹ 50,000/-	
25.	Dr. Lalmalsâwma Nghâka, D-3 Bussiness Enterprise	₹ 2,500/-	
26.	Zemabâwk Bial Kohhran Hmeichhia	₹ 3,290/-	
27.	Lalchhuansâng a S/o P.C Sângluaia, Vênglui	₹ 1,000/-	
28.	Lalchhandama, Chaltlâng Lily Vêng, Near ZDU Building	₹ 8,000/-	
29.	Pu Lalena Râltê, Khanpui	₹ 1,000/-	
30.	Thuampui Bial Kohhran Hmeichhia	₹ 33,200/-	
31.	Pi Lalrochhingi, Zâwnuam Thuampui Vêng	₹ 1,000/-	
32.	Kohhran Pavalai Pâwl, Hlimen Bial	₹ 10,000/-	
33.	General Manager NHIDCL Branch Office, Aizâwl	₹ 5,000/-	
II. GRACE HOME TÂN PETE:			
1.	KTP, Kâwnpui Chhim Vêng	₹ 5,000/-	
2.	Pi Zonunthari, Aizâwl Vênglai	Filter pakhat min pe	
3.	Sialsûk Bial Kohhran Hmeichhia	₹ 5,000/-	
4.	Zonuam Bial Kohhran Hmeichhia, Aizâwl	₹ 10,000/-	
III. THISEN PETUTE			UNIT ZAT
1.	KTP, Leitan Bial		57 Units
2.	KTP, Dâwpui Vêngthar Branch		46 Units
3.	KTP, Dâwpui Vêngthar West Branch		29 Units
4.	YMA, Tuikhuahtlâng Branch		31 Units
IV. THIL DANG PETUTE :			
1.	KTP, Suarhliap Bial		Hmunphiah 100
2.	Pi Sâpdâwli M/o Lalhlimpuii (L) Sister Tutor, Chaltlâng, Aizâwl		Miss Lalhlimpuii Award for Mid-Wifery atân ₹ 30,000/-
3.	Ramdinthari, Dâwpui Vêng, Aizâwl		Palliative Care Unit tân ₹5,000/-
5.	Remtluangi, Mission Vêng		Eye Ward Cabin No 2 tân Wall Clock leh dârlhalang leina tûr tân ₹ 1,000/-
6.	Phuaibuang Bial		A ṭul apianga hman tûr tân ₹20,000/-
7.	Orvil Pharma, Kolkata		Eye Camp tâna hman tûr tân ₹12,500/-
8.	Vincent Chhalianchhûnga, MZU Campus, Tanhril		Naupang Ward Pillow Case lei nân ₹ 2,540/-
9.	R.Sâptâwna, Champai Kahrawt		Naupang Ward Pillow Case lei nân ₹ 2,500/-
10.	Pu Bualhranga te nupa, Dâwpui		Blood Bank tân Steel ṭhutthlengsei (3 Seater)
11.	R. Lalramhluna, Thakthîng Dâm Vêng (pathum) - Eye Ward-ah 1 leh bathroom-ah 2 min dah sak.		Dârlhalang sei 3

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Hêng in thilpêk kan dawnte hian dam lo awm man harsate thlamuang takin a awmt̃ir a, Hospital mamawh tam tak min phuhrûksak baw a ni.

Sd/- REV. R. RAMDINMAWIA
Chaplain,
Synod Hospital, Durtlâng.

COUNSELLING TRAINING VAWI 31-NA KHAR A NI

Mizoram Synod, Family Guidance & Counselling Centre-in Kohhran hruiatute puala Church Leaders' Intensive Residential Pastoral Care & Counselling Training vawi 31-na, August 7, 2019 aṭanga Synod Conference Centre-a buatsaih chu August 20, 2019 (Thawhlelni) zân khân Final Evaluation & Graduation Service neiin khâr a ni. He hun hi Rev. B. Sângthanga, Executive Secretary i/c FG&CC chuan hmanpuiin Training chhuak mi 32 te hnênah Certificate a hlân.

Training khârna inkhâwm hi Rev. Lalsangbera, Director, FG&CC chuan a kaihruai a, Rev. Lalrinmawian inlawmna leh lâwmthu sawina hun hmangin, Training chhuakten an hlâwkui dân a lema ziakin an ent̃ir a, Upa H. Lalbiakthanga, Sihphîr Vêngthar chuan training chhuakte aiawhin thu a sawi a, Upa R. Lalmalsâwma, Com. Member, FG&CC chuan Training chhuakte a ṭawngṭaisak bawk.

He hun hmanpuitu Rev. B. Sângthanga chuan thu sawiin, t̃unlaia kan ram dinhmun thlîrin Kohhranhoten kawng tinrêngah ṭan kan lâk a ngaih thu a sawi a. Chumi atân chuan Training chhuakten an thil zirte ṭangkai taka hmang t̃urin a fuih a ni.

FG&CC hian kum tinin Counselling Training hi ṭum thum a buatsaih ṭhîn a. Kohhran hruiatute puala vawi 31 a buatsaih tawhah mi 650 training chhuak awm tawhin, Pastor puala vawi 28 a buatsaih tawhah Pastor 479 training an awm tawh bawk.

T̃unah hian Synod hian Counselling Centre hmun 8-ah neiin, July 31, 2019 thlenga pantu an neih tawh zât chu mi 27,452 an ni a, kumin bîka pantu an neih tawh zât chu 2,713 an ni bawk.

RESIDENTIAL CHOIR CONDUCTORS' TRAINING VAWI 24-NA



August 28-30, 2019 chhûng khân Synod Conference Centre-ah Synod Worship Committee chuan a duh apiang tân riak lûtin Zaipâwl hruiatute training (Residential Choir Conductors' Training) vawi 24-na a buatsaih a. He conductor-te puala training buatsaihhah hian mi 69 lai an tel ani.

Training chhûnghian chhûn leh zânah class neih ṭhîn a ni a, Synod Music School Instructor pangaten subject hrang hrang - Technical, Conducting, Vocal, Chord, Harmonization leh Khuang vuak chungchângte an zirt̃ir a ni.

Aug. 30, 2019 khân training khârna inkhâwm neih a ni a, khârna inkhâwm hi Upa C. Vânlalvuana, Worship BEC Member-in kaihruiain, Upa H. Lalhmingmawia, Worship Dept Coordinator-in report pein Rev. K. Lalrinmawia, Executive Secretary-in certificate semin thuchah a sawi.



SÂWMNA

KEIFANG POLICE VÊNG KOHHRAN chuan September 28, 2019 (Inrinni) hian Biak In thar hawna leh Pathian hnêna hlanna hun an hmang dân a. He Kohhrana lo lawi tawh zawng zawngte, Bialtu Pastor leh Pro Pastor lo awm tawh zawng zawngte he hun hmanpui tûr hian an sâwm a ni.

SAIPUM KOHHRAN chuan ni 17-24 November, 2019 hian kum 100 (Centenary) an tlin lawmna hun an hmang dân a. Saipum Kohhrana lo lawi tawh zawng zawng khaw danga pêm tawh te, Missionary-a chhuak mêkte leh Bialtu Pastor leh Pro Pastor lo ni tawh zawng zawngte he hun hmanpui tûr hian an sâwm a. Sâwmna hranpa an siam loh avângin hei hi sâwmnaa lo ngai tûrin an ngên baw.

RATU BIAL Inkhâmpui 2019 thurêl angin, ni 27 July, 2019 (Inrinni) khân Bial pum huapin Ratu Kohhran Biak Inah Calvin Seminar neih a ni. He hunah hian Resource Person atân Calvin Study Centre, ATC aţangin Rev. Dr. K. Lallâwmzuala, Rev. Rosiamliana Tochhawng leh Rev. Laldintluanga te kalin mi 133 zet he Seminar-ah hian an tel thei a. A telten an hlâwpuiin bengvarhlâk an ti hle. Tlai lamah zanriah ei hovin ni 27.8.19 (Inrinni) zân leh ni 28.8.19 (Pathianni) chawhma, chawhnu leh zânah Resource Person-te Bial chhûng kohhran hrang hrangah insem darhin thuhrilna hun an hmang baw a. Hetiang hun hlu leh ţangkai tak mai an hman theih avângin Ratu Bial chuan lâwmthu an sawi a ni.

PLUMBING TRAINING HRIATTÎRNA

Synod Social Front chuan eizawna mumal nei lo, Sêrchhîp District huam chhûnga mite tân Plumbing Training, a hnuaia târ lan ang hian a buatsaih dân a. Eizawna atâna hmang duh tûr tân training hi dîl theih a ni a, dîl na chu Secretary, Sêrchhîp Kâwnpui Kohhran hnênah theh luh tûr a ni.

Hriat tûr tûlte:

1. Dîl na lehkhah hian mahni chanchin (Biodata/ resume) kimchang ziah lan tûr a ni.
2. Dîl naah mahni lawina kohhran lehkhah thil tel tûr.
3. Dîl na hi Oct. 4, 2019 hmain Sêrchhîp Kâwnpui Kohhran Secretary hnênah theh luh tûr a ni.
4. Dîltute chu Oct. 4, 2019 chawhnu dân 1:00 pm-ah Sêrchhîp Kohhran Committee Room II-ah Interview neih tûr a ni ang.
5. Training hun chhûng Oct 21-31, 2019.
6. Training-na hmun Sêrchhîp Kâwnpui Kohhran Hall.
7. Training chhûnga awmna tûr chu mahni inngaihtuah tûr a ni a, awmna tûr hre lo tân Secretary, Sêrchhîp Kâwnpui Kohhran hnênah awmna tûr ngaihtuhsak tûrin dîl theih a ni ang.
8. Trainees-te hi stipend ₹1,000/- pêk an ni ang.

Sd/- Executive Secretary
i/c Synod Social Front
Synod Office, Aizâwl

SYNOD REVIVAL COMMITTEE LEH CENTRAL YMA INKÂWM

Hunthar Pastor Bial chhûng leh a chheh vêla ruihhlo zuarten an sim theih nân Synod chuan beihpui a thlâk dân a. Hna thawh dân tûr chi hrang hrang ruahman a ni a. Chûng ruahmanna thenkhat chu Central YMA te nêl ţang hova tih ngai a awm avângin September ni 6, 2019 khân Central



YMA Committee Room-ah Central YMA Hruaitute leh Synod Revival Committee te an inkâwm khâwm a. Central YMA lam aţangin mi pasarih leh Revival Committee aţangin mi pariat an kal thei. He inkawm khâwmna hi Pu R. Lalngheha, Vice President, Central YMA-in a kaihuai a. He mi lama YMA-in thil a lo tih tawh dân leh an hma lâk mêk dân te Tv. Lalhmachhuana, General Secretary Central YMA-in a report a. Synod Revival Director Rev. K. Rolungmuanan Synod-in beihpui thlâka thil a kalpui leh tih zêl a tum dân tlângpui sawi baw. Duh thuhmun leh tum thuhmun an ni baw a, rilru inhmu tlâng takin ţhaa an hriatte ţahnemngai takin an sawi ho va. YMA Central Committee thuchhuak ngaichâng rih tûrin kham lo takin inkawm khâwmna chu an tîn ta rih a ni.

PES DINHMUN

Kumin 2019 - 2020 session kal mêka PES dinhmun tlângpui chu hetiang hi a ni:

1. SEC phalna nei School - 140
2. Zirlai zawng zawng - 31,832
3. Zirtirtu zawng zawng - 1,623
4. Thawktu dang zât - 142

Hêng a chung a mite bâkah hian PES nei thar, Synod-a phalna dîl mêk 12 an awm.

IMA EC MEMBER THAR

August 28, 2019-a India Missions Association (IMA) General Body meeting Hyderabad-a neih zawh tâkah Rev. C. Zorammawia, Secretary, Synod Mission Board chu Executive Committee member atan ruat thar a ni. IMA hi India rama Mission pawl leh kohhran hrang hrang 243-te thawh hona huang a ni a, World Evangelical Alliance member a ni.

PATHIAN THU ZIR DUH TÂN

Presbyterian Bible School, Mission Vêng, Aizâwlah C.Th (Certificate in Theology) zir tûr lâk a ni leh dân a, dîl duh chuan hêng hi hriat tûr a ni e:

1. Admission Form Office-ah ₹10/- a lei tûr a ni a, November 20, 2019 (Nilaini) tlai dân 3:00 thleng PBS Office-ah theh luh theih a ni. Dîltu chu Class VII pass/Middle School exam pass, kum 16 aia naupang lo, Kohhran dân chhûnga awm a ni tûr a ni.
2. November 22, 2019 (Zirtâwpni) zîng dân 10:00-ah interview neih tûr a ni a, January 4, 2020 (Thawhlehi)-ah Class tan tûr a ni.
3. Zir hun chhûng thla li (i.e., January - April, 2020) a ni. Hre Chiang duh chuan Phone No. 2317343/2325082/9436198231 ah zawh fiah theih a ni. Hostel a awm lo.

Sd/- Rev. Lalneihvûra
Principal

PASTOR NUPUI INTAWH KHÂWM HRIATTÎRNA LEH SÂWMNA

Pastor Nupui Intawh Khâwm chu a lo hun leh dân ta a. Pastor pension tawh leh thawk lai nupuite leh Pro Pastor nupui zawng zawngte he hun pawimawh taka lo tel tûrin kan insâwm a ni. A hnuaia mi hi programme tlângpui a ni e:

- A hun : Ni 17.10.2019 (Ningani) Dân 10:00 am
A hmun : Synod Conference Centre, Mission Vêng
Thupui : Miten Pastor nupui an hmuh dân leh an beisei dân
Sawitu : Upa H. Zoliana, Ramhlun
Ruai : Dân 3:30 pm

Sd/-
Ramluimawii
Secretary

Sd/-
Nubuangi
Chairman

HNA RUAK DÎL THEIH

Mizoram Presbyterian Kohhran, Synod Hospital, Durtlâng-a thawk tûrin a hnuaia hna târ lan hi lâk a ni dân a. Kum 18-35 inkâr, ni 7.10.2019-a kum 18 pum, kum 35 la pumhlum lo, zûk leh hmuama fihlîm tân dîl theih a ni a. Hna dîl na form hi ni 27.8.2019 aţangin Synod Office (Aizâwl leh Lunglei)-ah lâk chhuah theih a ni ang. Dîl na Form man hi ₹20/- a ni. Hna dîl na form-ah hian hriat tûr pawimawh tihlan a ni.

- Hna hming** : X-Ray Technician (Contract)
Post zat : Pahnih
Thiamna : Diploma in Medical Radiation Technology from recognised Institute.
Hlawh : Synod hnuaia Contract rate

Ni 24.9.2019 (Thawhlehi) tlai dân 3:00 thleng dîl theih a ni a. Ni 27.9.2019 (Zirtâwpni) dân 10:30 am-ah Screening Test/Exam neih tûr a ni ang a, chuta tlingte tân ni 7.10.2019 (Thawhtanni) dân 11:00 am-ah Interview neih tûr a ni.

Sd/- REV. LIANHMINGTHANGA SAILO
Secretary
Synod Service Board